

gen die mittlere schleim pfulbeum einer ordnung. Zu gleicher weis/ sollen die mittlere schleim pfulbeum der anderen ordnung / auff ein langen balcken legen / welche den anderen seulen auffgelegt werde. Ober das soll von ein jettlichen balcken in disen zweyen vnd der vierdten langenmaur gesetzt / ob sich zu bey zweyen werckschüh ein rigel gesetzt sein / das auß dem mittlestem schlimmen pfulbaum / der ersten ordnung / bis zum mittlestem pfalbaum / der anderen ordnung gange / welchen riglen / ein rinnen sol auffgelegt werde / die auß ein baum außgehauwen ist: als dan von ein jettlichen mittlestem pfulbaums der ersten ordnung / soll dahinden ein pfulbaum sechs quarschüh lang / bis zu der rinnen ghen / welches pfulbaums vnd haupt halte ein donholz zweyer quarschüh lang. Dis aber sol auff den selbigen mittlestem pfulbaum der ersten ordnung stehen / zu gleicher weis / von ein jettlichen mittlestem pfulbaums der anderē ordnung / soll dahinden ein pfulbaum garnach bis zu der rinnen ghen / aber sieben quarschüh lang / welches vnder haupt auch ein donholz halten soll / das auch auff de selbigen mittlestem pfulbaum der anderē ordnung stande. Derhalben zu oberst sollen an die fürnemste schleim pfulbeum der ersten vnd anderen ordnung letzten geschlagen werden / daran die tach ziegel solle gehengt werden / in der mitte zu der ersten vnd anderen ordnung die mittlere pfulbeum / zu vnderst an die pfulbeum / die von hinden zu / eines jettlichen mittlestem pfulbaums der ersten vnd anderen ordnung garnach bis zur rinnen ghendt / aber doch an die latten / die an dise pfulbeum geschlagen seindt / sollen die vnderen Siechtene schindlen die in die rinnen ghendt / geschlagen sein / dan der plaz regē / oder schne so zerschmilzet durchfließt weniger in die seiger hütte. Aber die innere gebeuw / die da halten sollen die schlimmen pfulbeum der anderen ordnung / vnd die gerad vor über der dritten ordnung / das sie nicht seltsam seindt / darffich nicht erklären. In diesem teil aber der seigerhütten sollen schmelzöfen sein bey der langen maurē / in welcher die einstücke schon geröstet geschmelzt werden / das sie widerum die kupffer farb vnd gestalt haben / wie sie dan fürwar küpffern seindt / die überige weitte sollen die anderen zwey öfen ein nāmē / der ein / in welchem die ganze kupfferstein heiß werde / der ander in welchem die einstücke von dem feur geröstet werden / vnd die gassen die da von der thüren ist bis zu dem schmelzofen. Als dan sollen in die mitte der dritten vnd fünfften quarmuren / auch zwey seulen auff stein so vnderlegt / auffgericht werden / welcher jede acht werckschüh hoch seye / zweyer werckschüh breit vnd dick. Die ander seul soll von der anderen langen dreyzehen werckschüh sein. Auff disen zweyen seulen vnd der dritten quarmuren / sollen zwey balcken 41 werckschüh vñ einer spannē lang / zweyer werckschüh breit vnd dick / auffgelegt werden. Es sollen auch andere zwey balcken einer lēnge / breite / vñ dicke / auff den anderen zweyen seulen / vñ siebendte quarmaur gelegt werden / die heupter derer zweyer balcken / da sie zusamen ghendt / werde mitt eisern klāmern zusamen gemacht. Auff dise balcken aber sollen widerumb 21 balcken gsetzt werde / die dreyzehen werckschüh lang / ein werckschüh breit / dreyer spannen dick seyend / vnder welche 8 erste sol auff die dritte quarmaur glegt werde / 8 letzte auff die siebendte quarmaur / 8 andere auff ire mittlere maur / vnd sol eine von 8 anderē dreyer werckschüh sein. In deren formen / da sie nach 8 anderē langen maurē sähendt / sollen heupter so vieler pfulbeum die schlim auffgericht in dise so vor über seindt / geschlossen werde / die schnür gerichte auff die andere läge maur seindt gsetzt / vñ werde auff dise weis / die andere flache schlete des rauchlochs. Aber da sie sähendt gegen 8 dritten langē maurē / sollen eben in dise balcken so viel heupter 8 seulen so schlim auffgericht / in die pfulbeum so vor über seindt der dritte flache schlete geschlossen werde / vñ werde auff dise weis die andere flache schlete des anderen rauchlochs. Das aber nicht dise in flache schlete so gegen über / vñ jehne in die schnür gerichte schlete / so auch gegen über falle / so soll dasselbig zu teil mit viel eisern stäbē verhütt sein / die da ghendt

ghendt